

题岑川九峰谱序

夫木必有本水必有源人必有欲枝叶之茂在培期欲川流之长在溶其源欲子孙之盛在敬其之祖此且不易之理也岂有后世子孙而不知其祖若宗自去者乎溯吾两寨黄氏世之修也肇必于逊清嘉庆甲戌本平邑九峰宗谱言之历迨咸丰戊午光绪辛卯所谓续修三修者均从之则我祖之来不无自矣洎夫民国壬申先考寿伯公从而四修之尽以清乾隆墨牒断自迁湘始祖仕旻仕海二公以上阙如又已世系先后悬殊心窃疑之因有世纪阙疑世纪正误诸篇之作在我祖之来又无疑问矣孰是孰非何从虽茫然莫辨而我迁湘始祖既非去自空桑这我仕旻仕海二公究系从何而去传闻不异执见各殊颇堪怅恨幸客岁平邑九峰族九修宗谱簪庭孺庭先生本敬修族宗谱者苦心孤诣跋涉远来维时族中稍明大义者或役公门或求学异地接洽不得要领今春先生复专函联络适范假妇见其所举我两寨黄氏来自九峰事实言之凿凿不禁喜去望外乃亲至九峰谱局参观其事儒庭先生以前后所修谱牒与湖南黄氏世谱指掌所载思白公明洪武三年始适湘阴九十里支黄家寨长子

仕旻次子宗华字仕海九峰各谱亦有思白后裔迁湘邑黄家寨字样琳琅满目何莫非我祖仕旻仕海公所自出之左证也同时并得仕雄公孟一公坟墓所在遥遥拜谒但见山青山秀势状气雄是则两寨黄氏子孙之昌隆岂偶然哉仁人孝子之心不觉油然而生矣适九修宗谱付梓开始之期得附各前辈骥尾敬谒我列祖列宗前悲喜交集感慨丛生盖吾旻海二公之迁来两寨也自明洪武祖迄今历年数百历世三十而谱牒四修矣或以世远年焉专闻失实合以关山迢隔跋涉为艰况时局飘遥乱离靡定数典忘祖之咎可原难辞今而后子孙世系一脉相承春露秋霜有饰追报而后嗣蕃昌曷其有极耶顾吾先考有云君子有所为也必求自信诸心又云其果为疑也耶仰为信也耶后之人当有能辨之者则范此一行殆有合乎先诸子之求自信而后能辨者与为宗谱已付藜枣人力时间两有关系未及合修乃商承族长领取首卷以资联络而得来兹范也不才服膺党国承办兵役不克追随各前辈臂助一二引为恨事欣逢盛举谨述巔末庶我祖若宗在天之灵欣然含笑得见两寨子孙于今日而后世亦知九峰为吾两寨发祥之所依据不忘岂不休哉时

民国三十二年癸未秋七月仕海公二十世裔孙忠范谨叙

九八戊寅譜序

噫兮當六十五年前我黃氏族譜竟毀滅于文化革命之期滄桑時代幸有族老存尊祖敬宗之心前有毓卿公保存四修族譜十一本其中房譜聰忠二系全無后由下寨澤輝先生保有清嘉慶甲戌譜九本得補遺聰忠二系支譜一線之緣但房譜仍難取材作今之稽考不致失傳焉在茲盛世良時民安國泰而政通人和百廢俱興是以黨國有史省地有志勃勃然如浪湧潮翻我也意家之有譜亦猶國之有史也唯我黃氏上下兩寨曾亦多次欲續修五次族譜奈無機可投亦無基不立則獨木難支而草創未就也賴眾志存城得巨擘之援團結力大有聰系正昌慰群兩先生發原計議而族人亦響應其勳勸贊助不揣顧慮不慰予遺乃五次續修我旻海二公之世系也猶憶乎今昔之殊滄桑之變所謂由遠族而近族由大宗而小宗房分支立興衰不同由四修后我上下兩寨二十一房存十五房一百二十七支現有五十支嗚呼興念及此能無淚下者乎然溯本追源于祖德宗功恢宏先緒忝為后裔當善繼其

志善述其事而服畴食德安可泯灭于今时乎斯时也各房支人丁崛起枝叶繁然欣欣向荣如雨后春笋如此之后来环景对修先追远庶可慰于地下之英灵也予也出身微贱少学无才所愧掌撰草修敷衍塞责难以尽美善之章所望族老父兄之谅庶无莞尔大雅之堂也是为序

时公元一九九八年戊寅仲冬月敏系二十世裔孙 碧芹 谨撰

汨罗新塘黄氏两寨五修谱序

戊寅春二月族老正昌慰群二先生倡议黄氏两寨五修家乘乃集会族人各房支代表于甘棠而皆欣然与会愿同心同德协助修好谱牒之事决议已就即推此三位宗亲莅任其事历时八个月草创既成囑余为序余回溯前人谱牒自明洪三年思白公之二子宗达宗华即仕旻仕海也由平江九峰迁湘阴北九十里洞庭东岔黄家寨迄今六百余年居新塘世有名望其谱牒凡四修矣近七十年前秀才寿柏公四修谱牒有十册之多而毁于十年浩劫除

旧则日夜穷时搜索立新则无书不黄秦火炎炎灭于一炬幸有刘黄族老佑钦公如水深火热之中保存一册然聪忠两系之人丁世系全沦于左倾逆流之手是以此次五修之概略规模依据佑钦公之遗泽也多亏三位主修者独任其事而群集其谋且亲赴平江九峰查实我族之自来所载无虚矣然后沿门探访有保留神主者问遗老求支系倒藤索瓜上下反复相接费尽绸缪心血然后聪忠两系之世系始明倘今日失修则不仅聪忠两房十之八九不知己祖父或曾祖名谁者其余名房世系亦将失传若是则五代同堂可通婚姻触违国法故此届谱之修辑如及时之雨若大旱之霖不然又过十年二十年遗老尽失所存旧典大略世系全肖则全族之世系由来毫无稽考矣悲夫修我黄氏谱者黄氏之祖先也灭我黄氏谱者黄氏之肖子孙也前人修之而后人毁之殊不知修辑之艰难险阴今人又修之为不负前人辛苦之陈迹自今日五修而后以戒来者務必以家谱为重宜珍藏之慎勿亡也

第五次续谱序

公元一九九八年戊寅岁甘棠黄正昌徐塘黄卫群二先生发起续写族谱余作记诚恳至极盛情难却乃作拙文于后

认祖知祖敬老尊贤乃中华民族之传统美德亦我黄氏之荣光黄氏自仕旻仕海公至今已有二十四代矣始祖稼穡创业百倍艰辛子孙后代继先辈遗志自强自立奋发向上乃有今日之族旺子民安居乐业古今贤才辈出为国为民颇多贡献谱中均有文记之以扬我黄氏之光荣引后人之奋进此乃修谱续谱功绩之一也

创业之初天荒地凉土瘠田瘦人烟稀少交通闭塞缺衣少食倘遇天灾人祸一筹莫展只能听天由命经数代人之努力而今面貌全改担堤蓄水改土成田山青水绿田地富庶住有楼房吃有米饭穿有绸缎行有摩托汽车广播电视进村入户最是动人心者文化素养极大提高小学初中人人必读高中学历已不为奇大学毕业为数甚多从政从军从教从医各行各业皆有我黄氏人在中华大家庭中黄门乃一细胞从黄氏的兴旺发达亦可见国家的

兴旺发达通观族谱无不给人一种自尊自豪催人奋进的启迪此乃续谱功绩之二也

文化大革命中族谱乃四旧之首在扫荡之列幸得刘黄佑钦三爹先生冒挨批斗坐监之风险千方百计将唯一的一册黄氏族谱保存完好至今黄氏子民得以认祖知祖第五次续谱有根有蒂黄佑钦三爹先生功莫大焉

此次续谱欣逢盛世更赖黄正昌黄卫群二先生自费盘缠上长沙下岳阳奔九峰走村串户搜集整理各村各户积极配合大力支持方得圆满成功实乃黄门之幸

先有国后有国家昌盛才有国民的安居乐业望我黄氏子孙以国为重后继诸君莫负此望再接再厉为族争光为国争光

敏系二十世裔孙 忠倫 谨述

龚序

吾乡黄氏巨族也余家与比邻结婚百数十年于斯矣有黄生名庆字景云者故从余游

一日出其族之旧谱示予阅之则山谷公之子各相诒赠中奉大夫者所创修也志其年月黔以御玺溯自陆终而下图像坟莹迁徙确凿可改且为予言之日生族支谱不修者数十年矣今生亦既其世次装洪成帙师其为生序之余辞曰世之倩序于人者必得各公巨乡挥如椽之笔洋洋洒洒乃足为谱牒增重即不得其亲搦汗简犹将丐其銜印以为百世光奚以予为生曰师不得辞也生之故谱修于康熙年间乃龚克有公为之序公故以岁贡官韶州府此非师之高祖乎师之先大人志端公食府廩气为湘名士而生之族祖命秩公修私谱公为之序淑爵公修私谱亦公为序此三序者其文镌生族谱中其存师象冢中可覆视也况先生既以明经贡入咸均文章行谊为湘邑推重久矣以此论之师固不得辞也况又朱陈夙好乎予无词以应乃沐手而敬之说曰余阅谱牒多矣序昭穆详世系纪坟莹录传替志以述艺文文多者百余卷少亦不下数十卷然总以源远流长支分派别若网有条不紊者为佳若黄氏谱可谓兼之矣其自陆终至山谷封国受姓名儒代兴簪纓继起如黄河之水滥觞星宿者其源远也其自山谷至思白公诗书之泽绵延无疆印绶之荣累若湘续如千里一曲九折而趋碣石者其流长也思白以下二子宗达宗华二公迁湘逮今至幻字派一十八世分

居之门星罗碁布人丁之衍甍复瓜繁人文蔚起才俊迭生家有瑚璉之器人怀琬瑜之奇得此今支谱中支分派别引之愈长折之弥多者也抑予马齿近七十与今黄氏首事敬林任唐至光鹤祥崇高诸公等浮白促膝者岁岁于斯而素稳其刚方柔惠若仲连之雅致尧夫之高风而今此举尊祖敬宗收族为后嗣计久远者至密至详可谓孝慈交尽矣且景云从余游沉潜敏慧其文可旧其父魁明敦厚谨懿有古君子风作善降祥有可卜然则黄氏之亢宗崛起将来固不可量其必自生始乎黄生勉之矣

嘉庆十九年岁次甲戌季冬月上浣吉旦

年家姻愚弟 恩岁进 轩氏龚驢沐手拜撰

湘阴两寨黄氏世谱叙

君子之有所为也必先求自信诸心苟信诸心虽以之赴汤蹈火而亦为之不信卽一嚔一笑而不肯假于人况于纂述之大者乎史迁世表世家之作称本周谱欧阳永叔讥其不能阙疑永叔精谱学而所著唐宰相世系表于巨族既推其本源出于某帝某王又历叙汉世名

贤谱以不善阙疑为世诟病则夫末学不知著述之富求精审乃辄引前世达人暨同姓异望之显者以自夸其先世岂不妄哉吾少时读吾清嘉庆甲戌谱本平江九峯黄氏谱推吾黄氏为陆终之后遂由是一世二世而三世至六十七世为我祖仕旻公仕海公言之历历畧无参稽犹豫之辞心尝疑之文节公黄育字说自称七世以上失其谱兹乃上推之至有六十七世何耶后得清乾隆丙寅墨牒于我仕旻公裔孙平夷公家世系断自迁湘始祖仕旻仕海二公以上阙如吾于是知甲戌谱之果多附会也咸丰戊午谱因之逮光绪辛卯三修为我本房徽矩公举甲戌谱称一世祖陆终下至孟一公行凡六十有七世别为一编日始祖源流总世系其识见殊有过人者惜论误犹未尽删世系开宗明义仍祖思白公谱称其授河南开封府奉直大夫兼督军务者岁辛未宗人以四修宗谱任予时徽矩公犹在一日属予曰予三修谱祖思白公于甲戌谱遗误犹未尽去汝今毋然其断自仕旻仕海二公悉复我清乾隆丙寅墨牒之旧以成吾志汝好为之吾于是知事之因革损益为理之无可易者人心有同然但知觉之先后不一也执简后遂于首卷举甲戌谱所附会九峯世系由朝汶公至思白公凡十一世为一篇曰世纪阙疑所附会我仕旻仕海二公为卽思白公之二子曰宗达宗华暨以下四世所

附会更名者辨明之为一篇曰世纪正误有曰世纪追远者述我迁湘祖所自出世纪探源者溯我黄氏得姓受氏之始世纪二十六卷表八卷志十卷都四十四卷事必溯其源语必徵诸实义必衷于当以求信于吾心焉耳惜予陋甚齿又益衰兼家鲜藏书族乏遗老无一足资考证则负疚良多也后之人苟有匡予之失起而参订修补慎笔削于锱铢旁搜远绍而一归诸信终勒为吾宗巨典昭示来兹永无可易詎不懿欤时民国二十二年癸酉夏仕海公十九世裔孙觉非谨叙为顷

清乾隆丙寅墨牒叙

黄姓为黄帝氏轩辕之裔历若干世而至楚春申君歇史传其任侠好客盖门下珠履三千焉夫以有土卿相保世滋大绵绵延延于荆湘清门氓庶间亦固其所汉兴次公以廷尉刺杨州治行为天下第一世居阳夏而汝南叔度德标致世比颜子至支疆以孝行书肃宗嘉之曰天下无双江夏黄童以是知黄姓之世家于楚无疑也他如晋之武陵道真宋之江西庭坚

明之莱州如锡或以文行显或以宦业称虽历籍不一揆之得姓受氏虽支分派别而源则一也吾湘黄氏世居洞庭之东相传明太祖洪武初来自江西为山谷之后迄今历年近四百里世凡二十户以百计口以千数其始适之祖曰仕旻仕海者居黄家寨占山川之旺气启云耳之寢昌旧固有说于乾隆戊午岁有斯年国秉徽五书三祝三育也惟新月义德秀圣介惟新祝三同立建祠于祖墓之西鱼鳞山今甲子岁有斯年徽五祝三惟新德秀以尊族敬宗而收族收族而宗庙严此孝子仁人事也独是由祖考而溯远已自

仁率亲等而上之虽支分派别有不若众之发于昆昆者乎至于

春秋邾郈之例是

又孝子慈孙之所大禁也及观诗云本支百世而礼所严适

庙之不可不讲者乎吁

嗟乎明德之后赖有达人苟非达人又曷以支分派别

郎若列眉也乎予阅族中谱

牒而有感于仁人孝子之用心也所更进者有宋文文山之言曰门第高者一事坠先训便不及常人黄氏为吾郡望族为管鲍杨潘最密人交辈起于山谷之流风馥韵于今未坠莫为之前虽盛不传昌黎之言是又予所致望于本族诸君子者乎是为叙时大清乾隆十一年丙寅岁秋七月望日永兴崇教西寮圆戒京牒僧上德法号圣空氏笔书

予每披阅此序残篇断简不得其全尝用慨然然以今谱之订讹改误多赖此篇之序况存者十之六七缺者仅十之二三合观之犹可得其大畧是又何可以磨灭之也兹谨录其原文而阙其所朽蚀者以备吾宗掌故且以志先人心血之所垂于不忘云尔 四修嗣孙觉非谨识

按序尾署年原为大清乾隆十一年丙子故本谱徽引及此者遂皆曰乾隆丙子谱考万年书乾隆十一年为丙寅兹特更正而注之于此以明本谱所徽引曰丙子谱有误也 觉非又识

清嘉庆甲戌谱叙

吾族故谱溯自陆终说者以为荒远无稽余应之曰此溯受姓之始耳夫山谷公乃香严女子化身为宋名儒专不自诬其祖其子因山谷公之传而修谱岂有妄哉藉令有妄又岂敢进呈高宗而高宗亦岂肯为叙哉 余按春秋齐恒会八国以伐楚黄人与焉其地即今江夏

县因以江夏为郡故其后文疆居安陆出守衡郡封江夏公亦即以郡为名焉且余阅故谱自战国春申君至宋绍兴隆兴间悉有娶某氏生某子迁某地之文此虽胸罗全史者不能知而谱独详之盖家乘遽传详于国史而益以见家乘之九重不可不续而修之也丙寅冬余族尊议重修支谱而以其事专属之予余维任大责重不敢承族尊不允敦迫倍严乃敢退扫闲轩书夜捡枝随以旱魃或作或辍阅八年而始成盖故谱自山谷以上至陆终其最远者也或畧或详可覆视而知无庸覩缕山谷以下其子曰相曰汗分为两支相之六子分为六支其次子熙生子六又分为六支熙之第三子曰朝汶公由江西南昌府宁州徙平江九峰历数代而至仕雄公生九子皆以孟为名而孟一公则九支之长房生子二长思舟次思白俱居九峯而思白之二子曰宗达宗华始由九峰迁于湘此则余迁湘之始祖也然则山谷公以上无论矣山谷下至今数百年由本而干而枝何啻千枝哉今此所修者不过千枝之一枝耳而我一枝又自分为数枝然自山谷视之则皆一本也及今不修再阅数十年源远而流益分支多而派愈别其紊乱可胜道哉然则余族中之首事者其为功殆非浅鲜矣虽然前人传之尤贵后人守之尤贵有象贤者出而推衍之余是以临文悼叹不能无深望于继起者云是

为叙时清嘉庆十九年岁次甲戌冬月仕海公十四世裔孙若愚氏景云沐手敬撰

按景云公甲戌谱其师龚德轩先生叙中假公乞辞一段多吾宗故事特范录于此曰生族故谱修于康熙年间乃龚克有公为之叙公故以岁贡道理官韶州府此非师之高祖乎师之先人志端公食府稟饩为湘名士而生之族祖命秩公修私谱公为之叙淑爵公修私谱亦公为叙此三叙者其文镌生族谱中其稿存师家篋中可覆视也由斯以谈是吾族清康熙间有谱私谱有命秩公之作淑爵公之作而今俱亡矣而要其纂辑敬宗收族之苦心未可任与之俱亡与录之以毋忘先人之善且以备吾宗之掌故云

四修嗣孙觉非谨识

清咸丰戊午谱叙

国有史家有谱义虽同而实相异盖史以纪事珥笔者据事直书可以随时记载而谱之

年月时生死葬配必俟有起而个股之者或十数年或数十年而一为之叙是谱之修较史为甚难也我族自嘉庆甲戌年修谱以来迄今四十馀载若不及时修检将族大丁多以致年深月久犹恐后难为继有族长元高公者尽心尽力数传族议修又有翊齐公以德公玉成其事于是族皆思宗念祖踊跃从事公举余二人而辑稿焉遂检点案牘将老谱翻阅脱有旧谱已上者姑从其旧而阙之旧谱未上者细考其实而补之去旧增新搜罗细索笔削之下历数月而始成稿遂付诸梓检阅之余见有生年而无殁葬者有殁葬而无生年者有生歿而无嗣者及有嗣而无生歿者不禁抚膺悼恻喟然兴叹曰世运之隆替原由人数之盛衰余观谱中盛者复衰衰者复盛其其中兴废之故即人数亦可瞻世运为今幸族长知事甚多而余二人续修于此日又不知继修于何年属望之心激而为愤发之语述而不作实有望于后起者是为叙时清咸丰八年戊午季冬月上浣穀旦仕海公十五十六世裔孙太学生云穀奉卿

士纯 德泉 氏同撰

清光绪辛卯谱叙

士生斯世求忠孝两大端而已散之可兼万善括之原属一途达而致其用移孝卽以作忠穷而裕其体平章由于亲睦故秉钧台辅致君泽民所不辞独善衡樞敬宗收族所必先也族谱肇修于嘉庆甲戌续修于咸丰戊午类皆孝子仁人不憚烦劳尤赖有匡济之者始得溯源昭流于千百世之远也余生于数十年后才识学艺远逊前人以其时考之有不能辞其责焉者戊寅夏故才学士恺吾君倡谋与翰初畅哲仙诸君共成丁费会一局恺吾吾族亡余与翰初诸君殫精竭力积十二年已有八百缗遭族多难挥使殆尽时艰怵目迟暮悚心奋兴尤不能已屡与诸族尊谋念我族急务无有过于家乘之未续修者历年三十餘所谓一世而复过其间之生歿不知凡几矣概付流水而不问素封习礼之家可无虑矣所不能堪者贫寒无告之人耳生莫知其日卒莫知其时甚至葬莫书其他讹误遗漏岂浅渺哉老老及人之老幼幼及人之幼天下尚然今且一族则莫能顾此情其奚忍耶自祖宗视之皆其子孙范文正公之言可味也况前人屡垂盛典昭兹来许者至详且备竟坐视其圯蠹而不续修将光

前裕后之谓何幸族尊皆有同心无非忠孝之见端询谋僉同囑余董其役余维任大责重不敢辞谱不敢专高年之任静镇廉公之哲仙司帐目英隽才智之爵仁寿伯振鹏掌稿录皆无数才也八阅月而始成谱几殫心力矣其易欧为苏又非于更张先泽奈欧多空白发则空上废则空下列传不便笔记失守成之训越率由之典良有以也故谱溯源于陆终仍其旧法世谱式叙之备详七十世祖犹夫山之胙发昆仑水之源发岷江五岳四海山水之最着览胜者先着意焉无怪其专叙通显也迁湘始祖宗达宗华则自其祢思白公转为一派二派递传于二十一派法苏式大宗谱衍之犹夫支山三千百川学海仍自支分派别成为我族一支之谱也嗟乎余本樗栌庸材固陋疏劣自愧不遑膺兹巨任不寒而栗者有日今幸功竣深荷同人之力矣夫余自束发受学时蒙先生以忠孝教我父母以忠孝励我常片刻不敢忘今兹之为亦聊矢此心之弗失云耳夫因浑穷达于不问矣及验之同事诸君无不共奋此心后有作者其亦感发于斯乎时清光绪十有七年岁次辛卯仲冬月中澣穀旦仕海公十七世孙徽矩氏宗宪熏沐顿颡